

卷三

書名 審看擬式四卷首一卷
 撰者 清 剛毅 撰, 清 葛士達 撰附
 卷 卷三
 內容分類 史-政書 法令-律學
 索書號 大木-法類-獄訟-斷獄-10
 編號 B3841100

彩色首頁1

東洋文化研究所漢籍目錄 編號: B3841100

東洋文化研究所漢籍目錄所藏漢籍善本全文影像資料庫 索書號: 大木-法類-獄訟-斷獄-10

漢籍善本全文影像資料庫文本審看擬式四卷首一卷

版權所有: 東京大學 東洋文化研究所
 使用上的注意事項

審看擬式卷一

蠹役詐贓擬軍脫逃自首遇

赦不准留養

該某縣知縣某審看得軍犯池壽在配脫逃自首並請留養一案緣池壽籍隸 卑縣曾充縣署快役於某年月日因索詐縣民吳謂得贓犯案審依蠹役恐嚇索詐貧民者計贓十兩以上發近邊充軍刺發某省某縣安置於某年月日到配經該縣將該折責發交鄉約張四管束至某年月日池壽因配所貧難復母老無依即乘閒脫逃經該鄉約張四報經某縣訊供詳緝滿未獲擬議詳參某月日池壽逃回家內慮被拏獲從重問旋即自行赴案投首經 卑縣訊供通詳奉批飭審遵提覆鞫供前情不諱逃後詰無另犯不法及知情容留人家配所鄉亦無賄縱情弊案無遁飾查例載充軍常犯至配脫逃初次枷號一箇月本犯近邊者以次遞加又蠹役詐贓十兩以上者

蠹役詐贓擬軍請留養

充軍年在五十以上發附近充軍等語此案趙甲因貧難度輒敢起意糾邀發掘吳乙故父吳丙墳墓見棺雖未鑿孔得贓究屬不法查該犯年在五十以上自應按例問擬趙甲合依發掘常人墳塚見棺擲爲首者改發近邊充軍年在五十以上發附近充軍例擬發附近充軍左面刺發塚二字到配後杖一百折責安置該犯逃後訊無另犯爲匪不法及知情容留人家應毋庸議失察該犯爲匪之犯兄照例傳責該犯在外爲匪某村牌甲無從覺察請免置議屍棺飭令修理堅固尤二仔獲日另結是否允協理合連犯解候

憲臺審轉

審看擬式卷二終

審看擬式卷三

謀殺

該某縣知縣某審看得縣民楊大娃因姦糾邀楊三娃謀死王麻子身死一案緣楊大娃籍隸卑縣手藝營生與王麻子鄰村素識無嫌趙王氏夫故寡居王麻子先與通姦嗣楊大娃亦與趙王氏姦好被王麻子查知禁止趙王氏不許與楊大娃往來並稱楊大娃再來定行殺害趙王氏以王麻子兇橫私向楊大娃告知囑勿再往免滋事端楊大娃聞知氣忿起意將王麻子致死除害因趙王氏女流膽小未向告說憶及堂弟楊三娃前被王麻子毆打有嫌往向告述前情央求幫助尙允乘便下手某年月日黃昏時楊大娃約同楊三娃卽暗在趙王氏家門外空地等候至二更後見王麻子一人開門走出回家楊大娃執扑刀楊三娃執木棍潛踪跟至村外河邊王麻子在前行走並

審看擬式

卷三

謀殺

未知覺楊大娃四顧無人卽用手攜扑刀向其腦後狠砍一下倒地王麻子滾喊楊三娃用木棍向其身上連毆數下王麻子用腳亂蹬楊三娃撩棄木棍將其兩腳揪住楊大娃又用刀亂砍一會致傷其頂心顙門額顙左額角右耳根相連項頸胸膛左脇並兩手胎膊王麻子當時殞命楊大娃等歇手卽將王麻子屍身擲入河內各自逃逸經屍弟王油子找獲屍身報縣驗明獲犯訊認不諱詰無起衅別故及另有同謀加功之人逃後亦無知情容留人家案無遁飾查律載謀殺人造意者斬從而加功者絞等語此案楊大娃與趙王氏通姦因被先與趙王氏有姦之王麻子禁止往來輒敢心生妬忌商允楊三娃用刀將王麻子謀殺身死殊屬不法自應按律問擬楊大娃合依謀殺人造意者斬律擬斬監候楊三娃聽從下手加功亦應按律問擬楊三娃合依謀殺人從而加功者絞律擬絞監候均秋後處

決趙王氏訊非知情同謀應仍按軍民相姦例擬以杖一百枷號一個月係犯姦之婦杖決枷贖王麻子與趙王氏通姦本干律議業被砍死應毋庸議屍棺飭屬領埋兇器扑刀木棍解驗發回存庫備照是否允協理合連犯解候
憲台審轉



採生折割人

該某縣知縣某審看得縣民趙泳年因取人心醫病慘殺幼孩錢小兒身死一案緣趙泳年籍隸本縣傭工度日與年甫五齡之幼孩錢小兒素不認識趙泳年素有心痛病症時發時愈醫治年久總未痊愈嗣趙泳年因憶及前有過路不識姓名遊方醫生曾言人心製酒可以醫痊起意拐騙幼孩至家取心製酒醫病某年月日午後趙泳年行至錢家村瞥見錢小兒在村外玩耍趙泳年向錢小兒聲言前村有戲誘其往看錢小兒應允趙泳年即將錢小兒誑至家內剝去衣服錢小兒哭喊趙泳年拏取棉花塞住其口即用菜刀割開其腹錢小兒即時殞命趙泳年正在摘取五臟檢心適鄰人王保聞喊趨至瞥見趙泳年當即逃跑王保通知錢小兒之父錢四前往看明投約報驗獲犯訊供前情不諱詰無知情加功之人案無遁飾查律載採生

折割人者凌遲處死等語此案趙泳年因患心痛病症惑於人心製酒可以醫治之言輒敢將年甫五齡之幼孩錢小兒慘殺身死剖腹檢心實屬採生折割自應按律問擬趙泳年除謀殺幼孩罪止斬決輕罪不議外合依採生折割人者凌遲處死律擬凌遲處死左面刺兇犯二字首級解回犯事地方懸杆示眾以昭炯戒查該犯並無財產亦無妻子應毋庸議過路不識姓名醫生飭緝獲日另結王保訊係趕阻不及亦毋庸議無干省釋屍棺飭屬領埋兇器菜刀解驗發回存庫備照是否允協理合連犯解候

憲台審轉

支解活人

該某縣知縣某審看得縣民杜泳荃挾讐支解黃得滄身死一案緣杜泳荃與黃得滄先無嫌隙杜泳荃與黃得滄之妻黃李氏有姦黃得滄貪利縱容兩無避忌嗣杜泳荃因無錢資助黃得滄即生厭惡某年月日杜泳荃與黃李氏在房行姦黃得滄自外回歸撞見即將杜泳荃扭住攔按炕上順拔身帶小刀將杜泳荃左耳割落並稱如敢再來定行致死杜泳荃逃回家內因左耳被割無顏見人愈思愈忿起意將黃得滄致死洩忿某日杜泳荃探知黃得滄至鄰村周汝賢家飲酒杜泳荃知其每飲必醉即順攜木棒鐵斧至半路等候黃昏時分黃得滄醉歸路經該處杜泳荃乘其不防用木棒向黃得滄腳上狠毆兩下致將其左右臙肋毆斷黃得滄喊跌倒地杜泳荃乘勢將黃得滄淫按住用鐵斧砍斷黃得滄兩臂膊兩腿割落耳鼻並將其頭

顧砍下殞命次日黃李氏因其夫不歸託夫兄黃得沅查找警
見屍身黃李氏以伊夫別無讐人定被杜泳荃殺害投約報驗
獲犯訊詳覆鞫供認不諱詰無起衅別故亦另無同謀加功之
人案無遁飾查律載支解活人者凌遲處死妻子流二千里又
例載本夫縱容妻妾與人通姦若姦夫自殺其夫姦婦果不知
情仍依縱容本條科斷又律載縱容妻與人通姦姦婦杖九十
各等語此案杜泳荃先與黃得沅之妻黃李氏通姦黃得沅貪
利縱容後因無錢資助被黃得沅割耳拒絕輒敢挾嫌將黃得
沅及解身死實屬淫兇不法自應按律問擬杜泳荃除謀殺縱
姦本夫罪止斬候輕罪不議外合依支解活人者凌遲處死律
擬凌遲處死左面刺兇犯二字首級解回犯事地方懸杆示眾
以昭炯戒犯妻杜王氏照律緣坐擬流二千里至配安置查該
犯並無財產亦無子嗣應毋庸議黃李氏與杜泳荃通姦係本

夫黃得沅縱容嗣姦夫杜泳荃致死其夫該氏訊係實非知情
應照縱容妻妾與人通姦姦婦杖九十律擬杖九十係犯姦之
婦應予決杖黃得沅縱妻與人通姦刀割杜泳荃左耳本于律
議業已身死亦毋庸議屍棺飭屬領埋鐵斧木棒解驗發回存
庫備照是否允協理合連犯解候
憲台審轉

鬪殺

該某縣知縣某審看得縣民張三仔用木棒毆傷李四仔身死一案緣張三仔籍隸卑縣務農度日與已死李四仔村好無嫌某年月閒張三仔借欠李四仔錢四千文屢索未償至某月日早張三仔赴地工作行至村外撞遇李四仔向索前欠張三仔斥李四仔不應攔路逼索李四仔混罵張三仔回詈李四仔用手攜防狼木棒撲毆張三仔閃避奪獲木棒毆傷李四仔右太陽穴喊跌倒地當有村人王五路經趨至勸歇詢明情由通知李四仔之子李羊娃趕來看明扶回調治詎李四仔傷重移時因傷殞命經屍子李羊娃投約報經卑縣驗訊通詳奉批飭審遵提覆鞫據供前情不諱詰非有心致死亦無起衅別故及在場幫毆之人案無遁飾查律載鬥毆殺人者不問手足他物金刃並絞監候等語此案張三仔因李四仔逼索欠錢口角爭鬥



輒用奪獲木棒毆傷李四仔身死自應按律問擬張三仔合依
鬥毆殺人者不問手足他物金刃並絞監候律擬絞監候秋後
處決據供親老丁單是否屬實應俟秋審時查訊明確再行核
辦該犯所欠錢文追給屍親具領李四仔先向毆木干律擬
業被毆死應毋庸議無干省釋屍棺飭屬領埋兇器木棒解驗
發回存庫備照是否允協理合連犯解候審轉

鬥殺

該某縣知縣某審看得縣民王甲用石塊擲傷李乙越日身死
一案緣王甲籍隸卑縣務農度日與已死李乙村好無嫌某年
某月閒李乙向王甲借錢若干言明秋後歸還嗣因屆期屢索
未償至某月日王甲行至村外與李乙撞遇向索前欠李乙斥
其不應攔路逼索王甲分辯李乙辱罵王甲回詈李乙拾石擲
毆王甲閃避亦拾石擲傷李乙頂心喊跌倒地經村人趙丙趨
攏勸歇詢明情由前往通知李乙之妻李孫氏趕來看明扶回
調治詎李乙傷重醫治無效延至次日因傷身死經李孫氏投
約報經卑職驗訊通詳奉批飭審遵提覆鞫據供前情不諱詰
非有心致死亦無起衅別故及在場幫毆之人案無遁飾查律
載鬥毆殺人者不問手足他物金刃並絞監候等語此案王甲
因向李乙索欠爭毆輒用石塊將李乙擲傷越日身死自應按

律問擬王甲合依鬥毆殺人者不問手足他物金刃並絞監候
 律擬絞監候秋後處決李乙先向毆本干律議業被擲死應
 與勸阻不及之趙丙均無庸議李乙所欠錢文身死勿徵無干
 省釋屍棺飭屬領埋兇器解驗發回存庫備照是否允協理合
 連犯解候
 憲台審轉

故殺

該某縣知縣某審看得縣民趙大故殺錢二身死一案緣趙大
 籍隸卑縣種地度日與已死錢二素識無嫌錢二催與本村巡
 看秋禾某年月日午後趙大在院內用宰羊刀切菜錢二趨至
 聲言伊看守地內秋禾被竊聞人傳說係趙大竊割向其查問
 趙大斥其不應平空誣竊錢二不服混罵趙大回詈錢二用拳
 撲毆趙大閃開順用宰羊刀連扎傷其右臂膊右肩甲右血盆
 骨錢二撞頭拚命趙大又扎傷其左肩甲錢二倒地滾罵並稱
 傷好定欲告官究治趙大忿極起意致死洩忿又用刀連扎傷
 其右耳根項頸上唇咽喉經院鄰王三趨至查看錢二不能
 動彈向趙大詢明情由通知錢二之妻錢陳氏前往看明扶救
 詎錢二傷重當卽殞命經錢陳氏投保報縣驗訊通詳奉批飭
 審遵提覆鞠據供前情不諱詰非預謀致死亦無起衅別故及



在場幫扎之人案無遁飾查律載故殺者斬監候等語此案趙大因錢二疑伊竊割看守地禾往向查問口角拳毆業已刀扎錢二倒地因其聲稱傷好控究輒敢起意致死復用刃連扎錢二多傷身死實屬故殺自應按律問擬趙大合依故殺者斬監候律擬斬監候秋後處決左面刺兇犯二字錢二平空誣竊先向毆毆本干律擬業被扎死應與勸阻不及之王三均毋庸議屍棺飭屬領埋凶器宰羊刀解驗發回存庫備照是否允協理合連犯解候

憲台審轉

戲殺

該某縣知縣某審看得民人張來城與陳四桂翻手玩戲致陳四桂跌傷身死一案緣張來城與陳四桂村好無嫌彼此時向戲謔某年月日陳四桂由地摘取西瓜肩挑回歸與張來城途遇張來城因口渴拉住陳四桂瓜担索吃陳四桂將瓜担歇下即以翻手戲賭贏則給瓜輸則罰挑瓜担張來城依允適村人陳有發趨至向述情由即央其在場作証張來城陳四桂各用右手握住張來城用力一掀陳四桂站立不穩失跌倒地張來城陳有發忙同扶救詎陳四桂因跌內損口鼻流血移時殞命通知張來城之兄張來垣趨至看明報驗訊詳覆鞫供認不諱詰非爭毆有心致死亦無起衅別故案無遁飾查律載因戲而殺人者以鬪殺論又鬪毆殺人者不問手足他物金刃並絞監候各等語此案張來城因與陳四桂翻手玩戲致陳四桂失跌

內損身死証佐確鑿實屬戲殺自應按律問擬張來城合依因戲而殺人者以鬥殺論鬥毆殺人者不問手足他物金刃並絞監候律擬絞監候秋後處決無干省釋屍棺飭屬領埋是否允協理合連犯解候
憲台審轉

誤殺

該某縣知縣某審看得縣民馮順因鬥誤傷陳六兒身死一案緣馮順籍隸卑縣傭工度日與已死陳六兒村好無嫌某年月日馮順因向素好之褚三告借錢文褚三無錢回覆馮順斥其薄情緒三不服分辯馮順混罵褚三用拳撲毆馮順閃側用手攜木棍回毆褚三閃避適陳六兒路經瞥見從褚三身後趨攔攔勸馮順收手不及致誤傷陳六兒顛門倒地馮順歇手同將陳六兒扶回調治詎陳六兒傷重移時因傷殞命報驗訊詳奉批飭審遵提覆鞫據供前情不諱詰無有心毆打情事案無遁飾查律載因鬥毆而誤殺旁人者以鬥殺論又鬥毆殺人者不問手足他物金刃並絞監候各等語此案馮順因與褚三口角爭鬥用棒回毆致將攔勸旁人陳六兒誤毆致傷移時殞命實屬誤殺自應按律問擬馮順合依因鬥毆而誤殺旁人者以鬥

審看擬式 卷三
殺論門毆殺人者不問手足他物金刃並絞監候律擬絞監候
秋後處決褚三先向馮順拳毆致釀人命亦有不合應酌照不
應重律擬杖八十折責發落無干省釋屍棺飭屬領埋兇器木
棒解驗發回存庫備照是否允協理合連犯解候
憲台審轉

過失殺

該某縣知縣某審看得客民張三因騎馬驚跑致馬蹄踏傷李
四越日身死一案緣張三籍隸某縣向在卑縣城內北街某舖
生理與已死李四素不認識張三新向不識姓名人買白馬一
匹某年月日上午欲回原籍因天下雨車不能行因將新買馬
匹試騎行走行至南關某廟前適廟內開戲放炮將馬驚跑張
三拉勒不住跑至鼓樓北口張三閃跌下馬擦傷右肘肘維時
李四正由西街走至被馬撞跌倒地磕傷額顱並被馬蹄踏傷
左耳根經鄉地周和趕上向張三詢問情由通知李四之弟李
七趕來看明同將李四扶至張三舖內調治詎李四傷重延至
某日午後因傷殞命李七投約報驗訊詳奉批飭審遵提覆鞫
據供前情不諱詰非意料所及亦無起衅別故案無遁飾查律
載過失殺人者准鬥殺論依律收贖又鬥毆殺人者不問手足

他物金刃並絞監候又例載收贖過失殺人絞罪與被殺之家營葬折銀十二兩四錢二分各等語此案張三因騎馬回家聞炮驚跑閃跌落地不期李四正由西街趨至被馬撞跌倒地踏傷左耳根越日身死並非無故馳驟街市傷由馬驚誤踏所致實非該犯耳目思慮所及核與初無害人之意偶致殺人之律註相符自應按律問擬張三合依過失殺人者准鬥殺絞監候罪依律收贖照例在於該犯名下追取贖銀十二兩四錢二分給付屍弟李七具領以資營葬馬匹照例人官周和趕救不及應毋庸議無干省釋屍棺筋屬領埋是否允協理合連犯解候憲台審轉

過失傷

該某縣知縣某審看得縣民方成因抬石脫肩致石條壓折花笙腳指一案緣方成籍隸_卑縣與花笙素識無嫌某年月間某處興修石橋方成與花笙均在彼受雇幫工某月日方成花笙用木棍共抬石條上橋方成在前花笙在後方成腳下一滑棍子脫肩致石條向後側落花笙躲避不及被石條壓折其右腳大指二指三指喊跌倒地方成呼救當有鄉地陳富並花笙之兄花英趨至查看問明情由一同抬回調治報經_卑縣驗明訊供通詳奉批飭審查花笙被壓折傷右腳三指業經醫治就痊不致戕生遵提覆鞫據供前情不諱詰非意料折及亦無別故案無遁飾查律載過失傷人者准鬪毆傷罪依律收贖又折二指以上杖六十徒一年各等語此案方成因抬石上橋足滑棍脫致石條壓折花笙右腳三指事本倉猝難防傷由倒石誤壓

實係該犯耳目所不及思慮所不到核與初無害人之意偶致傷人之律註相符自應按律問擬方成合依過失傷人者准鬪毆罪鬪毆折二指以上者杖六十徒一年律擬杖六十徒一年仍依律收贖在於該犯名下追取贖銀三兩五錢四分八釐給付被傷之花笙具領以資醫治鄉約陳富等趕救不及應毋庸議無干省釋是否允協理合詳候核轉

因事用強毆打威逼致死傷非致命又非重傷

該某縣知縣某審看得趙甲因口角爭毆致錢乙氣忿自盡一案緣趙甲籍隸卑縣種地度日與已死錢乙村好無嫌某年月日錢乙因無錢向趙甲借青梭布棉馬掛一疋當錢度用屢討未還至某月日趙甲又向錢乙催贖馬掛錢乙央緩趙甲逼索錢乙斥其薄情趙甲嚷罵錢乙回罵趙甲卽用手攜旱烟袋毆傷錢乙左肱肘左手腕當經孫丙趕攏勸歇詢明情由趙甲聲稱今日如不贖還馬掛決不肯休孫丙卽將趙甲送回其家孫丙亦卽走回詎錢乙氣忿莫釋卽乘閒吞服洋烟在炕毒發嘔吐經其鄰居馬三聞喊趨進詢問錢乙聲言因伊被趙甲索要借當衣服毆打如今日不將馬掛贖還他定不干休因此氣忿不過吞服洋烟的馬三同伊妻錢李氏當卽灌救無效延至是日二更時因毒殞命投約報經卑職驗訊通詳奉批飭審遵提

覆鞫據供前情不諱詰無起釁別故及在場幫毆之人案無遁飾查例載因事用強毆打威逼人致死如非致命又非重傷者杖六十徒一年等語此案趙甲因向錢乙催贖借衣央緩逼索口角爭毆用旱烟袋將錢乙毆傷致錢乙氣忿不過吞服洋烟身死查趙甲所毆錢乙左肱肘等傷均僅紅腫並非致命重傷自應按例問擬趙甲合依因事用強毆打威逼人致死如非致命又非重傷者杖六十徒一年例擬杖六十徒一年到配折責拘徒年滿預詳請釋仍在該犯名下追給埋葬銀一十兩給付屍親具領以資營葬錢乙借當馬掛身死勿徵無干省釋屍棺飭屬領埋是否允協理合連犯解候

憲台審轉

因事用強毆打威逼致死傷非致命又非重傷

該某縣知縣某審看得縣民孫三因索欠爭毆致趙大氣忿自縊身死一案緣孫三籍隸卑縣與已故趙大素識無嫌某年月間趙大指地二十畝向孫三約借錢二十千文言明一年為滿二分行息某年月日孫三因約期已滿催令趙大還錢贖地趙大無錢央緩孫三不依嚷罵趙大回詈孫三用手指抓傷其左腮朕趙大攏揪孫三衣領孫三順勢將趙大掙按倒地用腳踢傷其左腿肚經吳五等趨至詢明情由孫三聲言趙大今晚如不還錢贖地定行控究等語向其恐嚇經吳五勸解並通知趙大之妻錢氏趕來看明同將趙大扶回趙大回家向吳五及妻錢氏訴說被孫三如此毆打受辱難堪今晚無錢贖地復欲控究實在氣忿不過不如自盡了結且說且哭吳五同錢氏勸解一會各散睡歇詎趙大氣忿莫遏乘趙錢氏睡熟不防在房門

上自行投繯殞命經趙錢氏醒起瞥見解救無效投甲報經卑職驗訊通詳奉批飭審遵提研鞫據供前情不諱詰無起衅別故及在傷幫毆之人案無遁飾查例載因事用強毆打威逼人致死如非致命又非重傷者杖六十徒一年等語此案孫三因趙大指地借錢期滿不還口角爭毆用手足將趙大抓踢致傷並用言向嚇致趙大氣忿莫遏自縊殞命查孫三所毆趙大左腮脰左腿肚等傷既非致命又非重傷自應按例問擬孫三合依因事用強毆打威逼人致死如非致命又非重傷者杖六十徒一年例擬杖六十徒一年到配折責拘役年滿預詳請釋追埋葬銀一十兩給屍妻趙錢氏具領以資營葬趙大所欠孫三錢文身死勿徵指質地畝仍歸屍妻趙錢氏領回管業借約塗銷縊繩存庫備照屍棺飭埋無干省釋是否允協理合具文連犯解候

憲台審轉



違犯教令致母氣忿輕生自盡

該某縣知縣某審看得縣民吳二小因違犯教令致伊母吳王氏抱忿自盡一案緣吳二小籍隸卑縣務農度日已死吳王氏係吳二小之母平素孝順村人咸知某年月日早吳二小見園內白菜稍長欲拔取做湯吳王氏欲俟菜長成可以變錢不准吳二小拔取停了一會吳二小潛入菜園拔得白菜二株回家吳王氏看見生氣向吳二小嚷罵吳二小當即跪求吳王氏不依用鐵通條欲打經鄰婦張李氏聞聲趨進勸歇吳二小亦即走避吳王氏即以吳二小不聽教訓好喫妄費將來不能靠傍必要受苦不如死了乾淨等語向張李氏泣訴張李氏勸慰一番走回詎吳王氏因吳二小違犯教令氣忿莫釋用骸帶在窗櫺自縊身死至晌午時吳二小回家瞥見解救無效氣絕殞命經鄉約吳大查知報經卑職驗訊通詳奉批飭審遵提覆鞫據

供前情不諱詰無別故亦無別項觸忤干犯情事案無遁飾查例載凡子不孝致母自盡之案如本無觸忤情節但其行為違犯教令以致抱忿輕生自盡者擬以絞候等語此案吳二小不聽伊母吳王氏教令潛拔園中白菜回家經伊母看見氣忿莫釋投繯殞命雖無觸忤情節實屬違犯教令自應按律問擬吳二小合依子不孝致母自盡如本無觸忤情節但其行為違犯教令以致抱忿輕生自盡者擬以絞候例擬絞監候秋後處決張李氏並無勸阻不及應毋庸議無干省釋屍棺飭屬領埋縊繩案結銷燬是否允協理合連犯詳解

憲台審轉

違犯教令致母抱忿輕生自盡

該某縣知縣某審看得縣民趙甲違犯教令致母趙錢氏抱忿服毒自盡一案緣趙甲籍隸_卑縣負苦度日已死趙錢氏係趙甲之母趙甲平素孝順並無違犯村人咸知趙甲之胞妹桂姑嫁與隣村孫三爲室某年月間趙錢氏因孫趙氏患病令趙甲前去探望趙甲因孫三時常冷眼相待不願前往趙錢氏斥罵趙甲央求叩頭情願前去歇事至某月日趙錢氏又令趙甲去孫三家拜年帶看孫趙氏病症趙甲因此日有事稱俟第二日再去趙錢氏生氣斥罵並欲毆打趙甲畏懼躲避經鄰居趙秦氏聞聲趨至詢明情由趙錢氏即以趙甲如此不聽教訓不能望其養活將來必至凍餓愈思愈氣不願爲人之言向趙秦氏泣訴趙秦氏用言勸慰一會亦即走回詎趙錢氏抱忿莫釋卽於是日黃昏時候乘閒吞服官粉在炕嘔吐趙甲回家看見問

明情由邀同鄰居趙秦氏趕忙灌救無效至三更時氣絕殞命
趙甲投約報經卑職驗訊通詳奉批飭審遵提覆鞫據供前情
不諱詰無起衅別故亦無觸忤情節案無遁飾查例載子不孝
致母自盡之案如本無觸忤情節但其行為違犯教令以致抱
忿輕生自盡者擬以絞候等語此案趙甲因伊母趙錢氏令赴
孫三家拜年帶看伊妹病症央緩斥罵欲毆輒敢不聽躲避致
趙錢氏抱忿莫釋服毒身死雖無觸忤情節實屬違犯教令自
應按例問擬趙甲合依子不孝致母自盡之案如本無觸忤情
節但其行為違犯教令以致抱忿輕生自盡者擬以絞候例擬
絞監候秋後處決趙秦氏勸救不及應毋庸議無干省釋屍棺
飭屬領埋毒碗案結銷毀是否允協理合連犯解候
憲台審轉

繼母故殺子

該某縣知縣某審看得李吳氏故殺夫前妻之子李大一案緣
李吳氏籍隸卑縣嫁與李仁為繼室生有子女已死李大係李
仁前妻之子某年月日李仁外出李大在門外玩耍致身穿衣
服沾有泥土經李吳氏看見用手毆李大左面李大哭喊李吳
氏又用手毆傷其右面李大哭喊不已李吳氏氣忿起意致死
洩忿順攜鐵通條毆傷李大顛門腦後髮際當有鄰右錢二聞
聲趨至勸歇詢明情由扶炕調治詎李大傷重移時因傷身死
經李仁投約報縣驗訊通詳奉批研審遵提覆鞫據供前情不
諱詰非預謀殺害亦無起衅別故及在場幫毆之人案無遁飾
查律載子孫違犯教令而母非理故殺者杖六十徒一年又繼
母故殺子者加親母一等各等語此案李吳氏因前妻之子李
大玩耍衣沾泥土向毆哭喊輒敢頓起殺機起意用鐵通條將

李大送毆致傷身死雖現有子嗣自應按律問擬李吳氏合依繼母故殺子者加親母一等於杖六十徒一年律上加一等擬杖七十徒一年半婦人照例收贖屍棺飭埋鐵通條解驗發回存庫備照是否允協理合連犯解候審轉

繼母故殺子

該某縣知縣某審看得民婦王周氏故殺夫前妻之子王五仔身死一案緣王周氏籍隸_申縣嫁與王才爲繼妻已死王五仔係王周氏夫前妻之子並無另有弟兄某年月日夜黃昏時分王五仔遺尿炕上王周氏用手掌毆傷其左腮腋王五仔哭泣不已王周氏氣忿起意致死順攜炕放木棒連毆傷其額顛肚腹脊背適王周氏之夫王才由外回歸瞥見喝阻問明情由詎王五仔傷重旋即殞命投約報縣驗訊通詳奉批飭審遵提覆鞫據供前情不諱詰非預謀殺害亦無起衅別故及在場幫毆之人案無遁飾查例載繼母故殺前妻之子如伊子本無違犯教令而繼母非理故殺者其夫現無子嗣照律擬絞監候等語此案王周氏因夫前妻之子王五仔遺尿炕上掌毆哭泣輒敢起意致死用木棒將王五仔迭毆致傷身死查王五仔係七歲

幼孩本無違犯教令該氏頓起殺機迭毆致斃實屬故殺氏夫王才現無子嗣自應按例問擬王周氏合依繼母故殺前妻之子如伊子本無違犯教令而繼母非理故殺者其夫現無子嗣照律擬絞監候例擬絞監候秋後處決王才喝阻不及應毋庸議飭照例另行婚娶屍棺飭屬領埋兇器木棒解驗發回存庫備照是否允協擬合連犯解候

憲台審轉

刁徒直入衙門挾制官吏

該某府知府某審看得委審某縣民趙大等藉災挾制求緩錢糧一案緣趙大籍隸某縣與錢二同村認識某年某月閒連日大雨河水陡漲近河各村田禾被淹經各村保稟由該縣某令據情轉稟當蒙委員詣勘照例賑卹並勘明田禾成災分數將各村應納錢糧分別減免趙大所居之某村因地處高阜無碍收成僅止減免差徭錢糧照常征收詳經核明具 奏當蒙頒發謄黃張貼曉諭在案某月日趙大由村廟經過適廟內演戲酬神趙大進內看戲與錢二撞遇錢二道及本村田禾雖不成災收成難免減色照常完糧似屬偏枯趙大正因錢糧被催緊急起意出頭求緩邀錢二同往赴縣錢二應允一同起身維時廟中聽戲村民紛紛隨行約有二十三人及至縣署正值該縣某令坐堂問事見趙大多人入署當向喝問趙大上前稟明緣



由某令以趙大一村勘明被水並未成災減免差徭已是破格施恩奚得藉端妄求等言向其勸諭趙大等不聽硬欲求緩某令喝令拿究隨往村民均各逃散因人多擁擠誤將傍設錄供桌硯擠翻在地當將趙大錢二拿獲據供詳奉委員勘明飭提人卷來省發委卑府審辦遵卽核明卷宗傳提研鞫據供前情不諱案無遁飾查例載刁徒直入衙門挾制官吏不係干已事情別無冤枉發近邊充軍又律載不應爲而爲事理重者杖八十各等語此案趙大因該村被水經委員會同該縣某令勘不成災僅准減免差徭錢糧照常征收該犯意圖緩征輒卽相邀錢二赴縣求緩實屬非是惟該犯僅邀錢二同往求緩核與刁民約會抗糧者不同其隨往之人均係聽戲村民觀看熱鬧並非該犯糾邀卽其擁倒錄供桌硯乃一時擁擠誤碰所致與聚眾至四五十人開堂塞署者迥別至該犯邀錢二同往求緩其

本身亦有應完錢糧核與不干已事者亦覺有閒遍查律例並無恰合正條自應比例量減問擬趙大一犯應請比依刁徒直入衙門挾制官吏不係干已事情別無冤枉發近邊充軍例上量減一等擬以杖一百徒三年到配折責安置錢二聽從趙大赴縣求緩亦有不合應請酌照不應爲而爲事理重者杖八十足律擬以杖八十再加枷號一個月滿日折責發落隨往之人均係跟着熱鬧旋皆紛紛逃散並無名姓請免查提以省拖累除將錢二管押候示外是否允協理合具文連犯解候
憲台審轉

投遞匿名文書告言人罪

該某縣知縣某審看得卑縣馬夫張三因挾驛書李四屢次毆辱之嫌捏詞投遞匿名詞帖陷害旋即聞拿投首一案緣張三籍隸某縣向在縣屬某驛充當馬夫接遞往來文報與驛書李四不睦常被欺侮辱罵某年月日張三在李四房內喝酒李四進房瞥見卽斥張三不應至伊房內喝酒並向混罵張三分辯李四用手掌毆打張三臉上未傷經王六勸散張三心內氣忿起意陷害報復卽捏稱李四窩娼聚賭浮收號草自行繕寫匿名詞帖藏在身邊某月日見有上站某縣申詳本府衙門公文一角張三乘閒拆開將身藏匿名詞帖裝入仍行封固發遞旋蒙札飭某縣訪拿轉准密文知會卑職正在訪拿閒張三聞拿畏懼赴縣投首訊悉前情不諱飭令當堂默寫匿名詞帖無異錄供通詳奉批飭審遵提覆鞫據供前情不諱詰無另犯不法



亦無買囑遞送及知情之人案無遁飾查律載投隱匿姓名文書告言人罪者絞監候被告者雖有指實不坐又例載聞拿投首之犯俱於本罪上減一等科斷各等語此案張三因挾李四斥罵之嫌輒敢捏寫匿名詞帖裝入公文內投遞陷害寔屬陰險惟該犯聞拿畏懼卽行投首自應按律減等問擬張三除私拆官文書輕罪不議外合依投隱匿姓名文書告言人罪者絞監候律上減一等擬杖一百流三千里到配折責安置李四被告各款照律不坐應免查辦匿名詞帖案結燒燬是否允協擬合連犯解候

憲台審轉

誣告人死罪未決

該某縣知縣某審看得縣民胡明挾錢泳富告借不遂之嫌起意糾邀張二誣告錢泳富死罪未決一案緣胡明張二均籍隸卑縣胡明向充本村鄉約張二種地營生均與錢泳富先無嫌隙某年月閒胡明因有急需向錢泳富借錢未允胡明斥其薄情錢泳富辱罵經人勸散某月日下午胡明之表兄馮三因借欠錢泳富錢若干文錢泳富向馮三逼討央緩不允錢泳富稱欲控追馮三畏懼去向胡明訴說前情並稱如不還錢定要到官受累不如逃往各處躲避等言胡明在旁慫恿馮三當卽走避胡明憶及錢泳富不允借錢反被辱罵之嫌起意誣告馮三被錢泳富毆死棄屍滅跡又恐無人見證稔知村人張二與錢泳富亦有嫌隙胡明卽至張二家內告述前情張二允從至某日早胡明寫具報呈列張二爲證捏稱某月日晌午錢泳富向

馮三索討欠錢央緩不允口角爭鬪被錢泳富毆死張二眼見
追張二通知胡明同去查看錢泳富已將馮三屍身撩棄河內
漂沒無存等語呈報到縣當經 卑職 差緝錢泳富到案反復研
訊誣認不諱正擬錄供詳報適於某月日馮三回歸探信錢
泳富之胞弟錢泳貴拏獲送案訊供通詳奉批飭審遵提覆鞫
據供前情不諱詰無起衅別故及另有教唆之人案無遁飾查
律載凡誣告人至死罪所誣之人未決者杖一百流三千里加
徒役三年又其犯罪者以造意爲首隨從者減一等各等語此
案胡明挾錢泳富借貸不遂反被辱罵之嫌輒敢因馮三被錢
泳富逼索欠錢逃避起意糾邀張二作證誣告錢泳富將馮三
毆斃棄屍滅跡實屬險惡查胡明所告錢泳富如果得實錢泳
富罪應擬絞今既審屬子虛雖未的決自應照律反坐胡明合
依誣告人至死罪所誣之人未決者杖一百流三千里加徒役

三年律擬杖一百流三千里加徒役三年到配後先拘徒役限
滿折責安置張二聽從胡明作證誣告錢泳富死罪未決係屬
爲從亦應據律減等問擬張二應於胡明杖一百流三千里加
徒役三年罪上減一等擬杖一百總徒四年到配折責充徒年
滿預詳請釋錢泳富訊無不合應毋庸議馮三訊非知情亦毋
庸議所欠錢泳富錢文照數清還無干省釋所有擬議緣由是
否允協理合連犯解候
憲台審轉



誣告笞罪

該某縣知縣某審看得縣民趙甲挾嫌誣告錢乙負欠逞兇等情一案緣趙甲籍隸卑縣種地度日與錢乙村好無嫌某年月間趙甲因無錢使用欲將地畝賣給錢乙屢次央人說合未允懷忿起意將錢乙誣告拖累洩忿即捏稱錢乙欠伊錢五千文屢索未償今又向討反被錢乙揪按到地拳毆足踢未傷等詞央不識姓名過路拆字人寫就呈詞赴縣具控經卑職傳集訊悉前情詰無起衅別故及另有主唆之人應即擬結查律載手足毆人不成傷者笞二十又誣告人笞罪者加所誣罪二等笞等語此案趙甲因挾錢乙不允買地之嫌輒敢起意捏造負欠毆踢等詞誣控洩忿殊屬不合如果所控得實錢乙應照手足毆人不成傷擬笞二十今審係子虛自應按律反坐趙甲合依手足毆人不成傷笞二十律加所誣二等擬笞四十折責發落

卷三 誣告笞罪

三

錢乙訊無該欠逞兇情事應毋庸議不識姓名之過路拆字人無從查傳請免緝究各甘結附卷人證省釋所有擬議緣由是否允協理合具文詳請憲台查核

審看擬式卷三終

審看擬式卷四

恃婦逞刁屢次翻控

該某府知府某審看得某縣孀婦史傅氏恃婦逞刁屢次翻控一案緣史傅氏籍隸某縣其夫史弱在日曾與呂四夥作生意某年月史弱病故傅氏家道貧難呂四疊經周濟嗣因屢借不休不能應付傅氏即因而懷忿某年月日傅氏以呂四借錢未償等詞赴某縣捏控當經該縣傳集訊悉虛誣因傅氏婦女無知從寬飭令具結完案傅氏心懷不甘於某日捏稱呂四糾眾搶奪執持木棒拒捕未傷等詞控經卑府因情節支離批飭不准適

撫憲巡閱到境該氏復以前情赴行轅呈控蒙發卑府集訊遵提覆鞠所控各情均屬子虛實係恃婦逞刁翻控據供前情不諱詰無起衅別故亦無主唆之人案無遁飾查律載凡誣告充